



**Ethica Amoris, Sive Theologia Sanctorum, Magni
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones
Strenuè propugnata, Et In Materiis Principaliter Hodie Controversis
Fundamentaliter discussa

De Generalibus Principiis Amoris Et Morum - Prolegomena septem,
Librosque undecim complectens

**Henricus, de Sancto Ignatio
Leodii, 1709**

Caput XXVIII. Causæ peccatorum internæ & externæ.

[urn:nbn:de:hbz:466:1-73187](#)

CAPUT XXVIII.

Causa peccatorum interna & externa.

Notitia causarum illarum, ad easque reflexio, valde utilis, imo necessaria est ad humiliandam hominis superbiam, ipsumque excitandum ad jugem sui custodiam, vigilantiamque adversus inimicos suos, tam domesticos, quam extraneos (de quibus c. seq.) nec Confessario minus necessarium est nosce causas morborum spiritualium, quam corporali medico corporalium; ad hoc utique ut possit causas illas paenitentibus exponere, congrue aduersus eas remedia prescribere.

Meminerit itaque homo se esse ad instar civitatis obsecrare, qua (præter hostes ipsum exteriis oppugnantes) interius habet proditores, cum externis hostibus communicationem habentes, à quibus moventur ut unā cum ipsis prodictionem civitatis machinentur. Accedit ad cumulum miseriae, quod civitatis istius Gubernator, nec scientiam habeat, nec zelum necessarium pro defensione civitatis.

Quod homo sit ad instar talis civitatis, ostenditur ex eo quod hostes ipsius exteriores sunt dæmon & mundus, à quibus continuò oppugnatur, ut videbitur cap... ad procurandum ipsius ruinam. Ratio vero, ipsis data ad ipsum dirigendum, & voluntas per quam imperare debet reliquis animi facultatibus pro defensione ipsius in negotio salutis, valde deficiant in necessariis ad bonam defensionem; ratio propter profundas ignorantiae tenebras, quibus subjacet in iis quae spectant ad salutem; voluntas propter malitiam, sui amorem, & salutis incuriam.

Varia itaque sunt causæ internæ peccatorum, videlicet ex parte intellectus ignorantia, & pronitas in errores; ex parte voluntatis, inordinate concupiscentia & passiones, tantaque infirmitas, seu pronitas in malum, ut voluntas, sui amore corrupta, sine auxilio gratiarum peccatum vitare non possit. Hisce causas internas, alia plerūque accidunt, prava scilicet consuetudo, malitia, salutis incuria, &c. Accidunt & causæ peccatorum externa, dæmon scilicet & mundus, sub quo comprehenduntur omnia quæ in mundo sunt, etiam prava exempla, & consilia, quæ nos ad peccatum sollicitare possunt, vel decipiendo nos ex parte intellectus, vel excitando in nobis concupiscentias & passiones.

Cæterum usque suam miseriam magnam agnoscat, ad originem recurrentem est, explicandaque quatuor vulnera magna, per peccatum originale nobis inficta (qua sunt ignorantia in intellectu, malitia in voluntate, concupiscentia & infirmitas in appetitu inferiori) & quomodo vulnera ista per peccata augeantur actualia. Sit itaque

§. I.

Explicatur magna hominis ignorantia.

Quam magnum sit ignorantiae vulnus, experientia docet in parvulis & adultis.

Nam in parvulis ita sopita, & quasi extincta est ratio, ut pluribus annis sint quasi pecudes, non quasi homines, animam rationalem habentes: jam enim reus delicti infans, nequid capax præcepti, tam profundâ ignorantiae caligine est involutus & pressus (ait Aug. l. 2. de peccat. merit. c. 36.) ut nesciat ubi sit, quid sit, à quo creatus, à quibus genitus sit, neque tamquam de somno excitari possit, ut hæc saltē demonstrata cognoscat, sed expectetur tempus, quo hanc, nescio quam, velut ebrietatem, non per unam noctem (sicut quelibet gravissima solet) sed per aliquot menses, annos, paulatim digerat, nec nisi multis molestiis, laboribus, instructionibus, castigationibus, perverniat ad modicum scientiæ, quo rudioris ignorantiae partem depellat.

Jam quid de adultis dicam? quorum pars longè maxima res scitu maximè necessarias damnabiliter ignorat toto vita tempore, ita ut vel nesciant à quo Conditore, & quem in finem acceperint ut sint, & quem ad scopum ipsis præcipue sit collimandum; vel, si prima ista fundamenta sciant, ad ea non reflectant, vel certè ignorent media, per quæ ad finem illum & scopum pervenire debeat. Cùm enim unica ad id via, vita si christiana, maxima eorum, etiam Catholicorum pars, ne quidem novit in quo vita ista consistat, nec quæ sint ipsius regulæ, quod Christiani hominis officium, &c. Et si hoc aliquo usque neverunt in generali, pauci sciunt, vel ad id advertunt in particulari, saltē in plerisque actionibus suis, ut patet, tum in tot superbis, avaris, ambitionis, voluptuosis, & mundanis hominibus, qui sæculi amorem in se prædominantem, quādiū in crimen palpabile non prodit, præcordis cæcitate non vident. Tum in peccatis omissionis, in quæ ignorantes, vel non advertentes incidimus, dum v. g. Deo non rependimus satis frequenter, vel satis ferventem amorem, cultum, gratiarum actionem, orationem; vel proximis, maximè domesticis, ea non impendimus, ad quæ ex officio, vel ex charitate tenemur, v. g. monitionem, correptionem, pro ipsis orationem, eleemosynam corporalem vel spiritualem; vel dum saluti nostræ non satis consulimus, vigilando, orando, regulam nostram servando, peccata etiam veniam, vita vitando, &c.; vel denique actiones nostras, penè omnes, occulto quadam inficiimus effectu superbiae, amoris propriæ, &c.

Tam profundam, universalemque ignorantiam adjuvat summa plurimorum indocilitas, in aliquibus proveniens ex dispositione corporis, quæ carni sic immersa est anima, ut spiritualia vix concipere queat, vix etiam capere, & retinere necessaria necessitate mediæ ad salutem; quam indocilitatem plerūque fovet modica rerum spiritualium cura, affirmatioque, & nimia implicatio in negotiis secularibus, vel rebus corporalibus. In aliis, iisque valde multis, indocilitas illa provenit, vel à pertinaci sensuum prejudicio, quo fit ut ea omnia respuant quæ

quæ sensibus repugnare videntur, nec credere velint, nisi ea ad quæ aliquo sui corporis sensu perveniant (quam ob causam Calvinistarum credere nolunt mysterium SS. Eucharistiae) vel à longa præventione, judicandive consuetudine; cui preventioni vel consuetudini dum accedit superbia, quâ se sapere putant, qui errant, indociliter difficillimè exiunt; sicut videtur est partim in sensibus, qui ab opinionibus dudum conceptis, tametsi erroneis, ægerimè avertuntur, si sibi sapientes videantur; partim in iis, qui dudum præventi sunt laxioribus, tametsi perniciosis opinamentis quorundam Casuistarum, circa administrationem Sacramenti penitentiae, &c.; iisque tam pertinaciter adhærent, ut libros, vel argumenta in contrarium vix, aut ne vix quidem legere, vel serio (depositis præjudiciis) perpendere dignentur. Vel denique indocilitas illa provenit à vitiis erga creaturas affectibus, humanisque cupiditatibus, quas multum valere ad excæcandum, non semel ostendimus. Dum enim Confessarius v.g. querit hominibus placere, difficillimè sequitur veritates, quarum usu timet ipsis dispergire. *Lege namque infatigabili* (inquit Aug.) *Dens spargit penales cæcitas super illicitas cupiditates.*

²⁶⁴ Ad idem ignorantia malum pertinent illæ, in quas adeò proni sumus in judicando, præcipitantie, sicut & assidue inadvertentie, seu inconsiderantie nostræ, quibus sit ut practicè non consideremus, vel latissimè serio non perpendamus veritates, quas speculativè scimus. Aperiemus demum oculos post mortem, quando obstupescentes clamabimus: *Ergo erravimus à via veritatis, &c.* *Sap. 5.*

²⁶⁵ Tot denique perniciosi errores, pernicioseque opiniones in materia morum, falsozimæque Gentilium Philosophorum de ultimo fine hominis, mediisque necessariis ad illum consequendum opinions palam ostendunt, quantum, & quam exitiofum sit ignorantia vulnus per peccatum originale inflatum.

§. II.

Explicatur secundum vulnus, scilicet concupiscentia.

²⁶⁶ **P**er illud vitijs intelligitur propensio partis inferioris, quâ homo trahitur ad voluptatem sensuum propter se expertandam, sive sit voluptas carnis, id est tactus carnalis, sive gustus, sive aliorum sensuum. Unde concupiscentia ab Augustino lèpè vocatur *libido sentiendi*, eamque (sive actualis sit, sive habitualis) idem Augustinus constanter docet esse malam, malèque nos agere quotiescumque ipsi obsequimur, non solum quando inclinat ad actus illicitos, v.g. fornicationem, vel esum cibi vetiti; sed & quandcumque aliquid facimus propter illam, sive quandcumque voluptatem sensualis gustus, vel tactus, vel visus, vel auditus, vel odoratus quærimus propter ipsam. Quod profectò illicitum esse demonstravimus lib. 7.

Per concupiscentia vulnus intelligi etiam ²⁶⁷ posset inordinatus amor sui, qui est generalis causa, ex qua omnia peccata oriuntur, dividiturque in tres latissimos fontes, è quibus omnia promanant peccata, scilicet in concupiscentiam carnis, concupiscentiam oculorum, & superbiæ vita, juxta illud Augustini in Psal. 8. *Hac tria genera vitorum, id est voluptas carnis, & curiositas, & superbia (quæ alibi vocat libidinem sentiendi, sciendi, & excellendi) omnia peccata concludunt, quæ mibi videntur à Joanne Apostolo enumerata, cum dicit: "Nolite diligere mundum, quoniam omnia quæ in mundo sunt, concupiscentia carnis est, & concupiscentia oculorum, & ambitio sæculi. Quod enim inordinatus amor sui, seu humana cupiditas, in tres illas propagines divisa, sit causa, seu radix omnium peccatorum, sententia est S. Thoma. I. 2. q. 77. a. 4. Manifestum est quod inordinatus amor sui est causa omnis peccati.* Quia omnis actus peccati procedit ex inordinato appetitu alicujus temporalis boni. Quod autem aliquis appetat inordinatè aliquod temporale bonum, procedit ex hoc quod inordinatè amat seipsum. Inordinatum vero amorem temporalis boni art. 8. dividit in tres diætas concupiscentias, sicut humanam cupiditatem Augustinus dividit tr. 1. in epist. Joan. dicens: *Tria sunt ista, & nihil invenies unde teneatur cupiditas humana, nisi aui desiderio carnis, aut desiderio oculorum, aut ambitione sæculi. Per tria ista tentatus est Dominus à diabolo. Unde cum ex 2. Timoth. 3. longam peccatorum series enumerasset, hec (inquit) omnia ab eo velut fonte manant, quod primum posuit: seipso amantes.* Et serm. 47. de divert. amore sui vocat primam hominis perditionem: *Prima hominis perditio fuit amor sui.* Et 14. Civit. 28. amorem sui structorem vocat civitatis terrena, sicut amor Dei structor est civitatis caelestis: *Fecerunt civitates duas amores duo: terrenam felices amor sui, usque ad contemptum Dei; caelestem vero amor Dei, usque ad contemptum sui.* Et Apostolus ipse 1. Timoth. 6. *Radix omnium malorum est cupiditas, in tres classes illas divisa.*

Porro utiliter Confessarius investigabit, ex ²⁶⁸ qua radice pullulent peccata sui penitentis, ut securim ad radicem ponat, congrua contra relapsus remedia præscribendo, penitentemque monendo contra quam præcipue cupiditatem pugnare debeat: Quia in re multi graviter deficiunt, de quibusdam quidem actibus palpabiliter malis dolendo, & se excusando, sed securim ad radicem nunquam apponendo, eamque inexpugnatam relinquendo.

Supradicta explananda difficultas, quomodo ex tribus fontibus illis peccata omnia profluant? quia vel per oculorum concupiscentiam (cum Augustino) intelligitur libido cognoscendi, seu curiositas; vel cum aliis, libido possidendi, seu cupiditas divitiarum? Si primum, avaritia ex nullo fontium illorum profluit. Si secundum, ex nullo eorum profluit curiositas. Deinde non appareat ex quo illorum fontium profluant pec-

269 cata, quæ ex mero alterius amore committuntur, v. g. à parentibus ex amore filiorum.

Ad 1. respondeo per oculorum concupiscentiam utrumque intelligi, tam scilicet libidinem sciendi, quam possidendi. Vel, si (cum Augustino) sola curiositas intelligatur, libido quidem possidendi nunquam est prima, sed semper oritur ex aliqua trium illarum, vel scilicet ex libidine sciendi, vel ex libidine excellendi, vel ex utraque, vel ex triplici illa libidine, quasi ex radice, juxta illud Augustini 10. Confess. 37. *Divitiae ob hoc expetuntur, ut alii ikarum trium cupiditatum, vel duabus ipsarum, vel omnibus serviant.*

270 Ad 2. respondeo cum S. Thoma citatā q. 77. a. 4. ad 4. quod amicus est quasi alter ipse; & idem quod peccatur propter amorem amici, videtur propter amorem sui peccari. Si quidem amor amantem cum amato quodammodo facit unum.

Si quis ex inordinato amore sui non profuerit peccata, quæ fiunt ex compassione alienæ misericordiæ, v. g. mendacia facta ab obstetricibus Ægyptiacis ad salvandam vitam Hebreworum, furtum factum ex affectu alendi patrem egenum, mendacium factum in circumstantiis ab Augustino defctipis in lib. contra mendac. c. 20. quando scilicet absque mendacio haberi nequit accessus ad baptizandum infantem, alias sine baptismo moritum.

Respondeo peccata ista non committi ex affectu charitatis: cum charitas non agat perperam. Per consequens fiunt ex affectu bono (ex officio utique liberandi proximum à malo) sed ex circumstantia mali medii malo; qui affectus cum hæreat in creatura, non in Deo, cupiditas est, juxta Augustinum, alioque Patres, generaliter afferentes fieri ex cupiditate (generaliter accepta) quidquid non fit ex charitate, sive ex Dei propter se amore. Qui nunquam moverit ad eligendum medium lege divinâ vetitum, ad consequendum finem bonum.

Sola proinde voluntas propria, legi Dei quoad hoc se non subjiciens, adeoque amor proprius, moverit ad istam electionem, si medium istud sciatur esse vetitum: si vero id ignoretur, ignorantia ista, utpote juris naturalis, non est inculpabilis & involuntaria, sed culpabilis & voluntaria in causa, scilicet cupiditate, ut videbitur infra.

Ecce ergo deploranda hominis miseria, qui sibi relictus, nihil facit, nisi ex inordinato amore sui, cuius pondere ad seipsum semper convertitur. Natura quippe corrupta, divinis rationibus, ac puræ intentioni repugnat (ait Card. Bona in princip. vit. Christ. p. 1. §. 3.) & ad se omnia refert. Inde autem cum omnia profluant mala, homo semper vigilare debet, semperque pugnare contra inordinatum amorem sui; ne alioqui causa sibi sit perditionis, ut causa fuit corruptionis totius humani generis, causa perditionis ejusdem per aquas diluvii, causa damnationis omnium Angelorum

rum, hominumque reproborum.

§. III.

Elucidatur tertium vulnus, scilicet malitia.

Per malitiam hæc intelligitur pronitas voluntatis in malum. Voluntas quippe hominis lapsi non solùm flexibilis, sed & prona est in malum, juxta illud Gen. 8. *Sensus & cogitatio humani cordis in malum prona sunt ab adolescentia sua.* Oritur vero pronitas ista ex triplici supradicta concupiscentia, alioque causis, ex quibus aliquando fit, quod uni homini congenita sit major pronitas ad malum, quam alteri, qui fortis est animam bonam. Istarum causarum una est, vicioſa corporis dispositio, ob quam aliqui ad certa genera malorum præ alias sunt inclinati; alii scilicet ad libidines, alii ad furta, alii ad rixas, & pugnas, &c. Altera causa est, quod aliqui destituti sint retinaculis, quibus alii à peccato cohibentur, ingenito scilicet pudore, pœnam, & offensam Superiorum timore, inclinationibus ad officia virtutum; quæ diminuta quidem sunt, sed non penitus deletæ per originale peccatum.

§. IV.

Declaratur quartum vulnus, nimis infirmitatis.

I Nfirmitatem ex peccato originali profundem Augustinus latius accipit, quam S. Thomas, & Scholastici passim. Ipsa namque per eam intelligunt infirmitatem appetitus inferioris, qui sicut per concupiscentiam inordinatæ appetit ea quæ sensibus delectabilia sunt; ita per infirmitatem inordinatæ refugit ea quæ sensibus molestia sunt & ardua: ita ut quemadmodum justus indiger virtute temperantie, ad cohibendam inordinatam istius appetitus propensionem in sensuum oblectationes; sic indigat virtute fortitudinis, ad reprimendam inordinatam ejus appetitus propensionem in timores, pusillanimitates, torpores, desperationes, &c.

Verum Augustinus infirmitatem accipit prout se ad utrumque extendit appetitum, superiore & inferiore; & revera sua etiam in appetitu superiori est infirmitas, proveniens partim ex defectu charitatis (generaliter acceptæ) partim ex excessu cupiditatis. Nam quemadmodum eò quis fortior est ad bonum, quod majorem habet charitatem, minorem cupiditatem; sic ad bonum eò debilior est, seu infirmior, quod charitas ipsius est minor, & cupiditas major. Infirmitatem quippe nostram ex cupiditate provenire, experientia constat, quæ experimur nos admodum infirmos & difficiles ad ea peragenda, quæ sunt hominis Christiani, vel religiosi, quando inde periculum est, vel non adipiscendi ea quæ concupiscimus, vel subeundi labores, incurriende danana temporalia, quæ formidamus. Tunc enim difficultatem nobis facessit cupiditas, juxta Augustinianum istud: *Nor est in carendo difficultas, ubi non*

Pars I. De peccatis in genere.

555

non est in habendo cupiditas. Et quid est quòd tantam difficultatem & infirmitatem sentimus ad subeundas humiliations, vel paupertatem Christi, nisi propter cupiditatem nostram excellentia, & divitiarum? Quid etiam, quòd tantam infirmitatem in faciendo longis orationibus, subeundisque magnis pro gloria Dei, nostraque, & aliorum salute laboribus, jejunis, frigoribus, persecutionibus, aliquis corporis incommoditatibus, nisi propter amorem nostri, concupiscentiamque carnis nostra?

Quòdque infirmitas nostra etiam proveniat ex defectu charitatis, à quæ clarè experientia docet. Nam ubi est magna, plena, & perfecta charitas, ibi nec tribulatio, nec angustia, nec persecutio capax est à Christo nos separare, ut patuit in Martyribus, & in tot aliis Sanctis, qui cum gaudio tanta passi sunt, vitamque tam laboriosam ac pénitentem animo tam hilari duxerunt. Nec mirum, ubi enim amatur, non laboratur, vel labor iple amatur. Propterea sicut Apostoli gaudenias à conspectu Concilii, quoniam digni habiti sunt pro nomine Jesu contumeliam pati. Propterea qui vult facere Dei mandatum, & non potest, jam quidem habet voluntatem bonam; atque adeò charitatem (inquit Augustinus I. de grat. & lib. arb. c. 17.) sed adhuc parvam & invalidam: poterit autem, cum magnam habuerit & robur suum. Quando enim Mariyres illa magna mandata fecerunt, magnâ utique voluntate, hoc est, magnâ charitate fecerunt.... Ipsam charitatem (magnam) Petrus nondum habuit, quando timore Dominum ter negavit.... Et tamen, quamvis parva & imperfecta, non deerat, quando dicebat Domino: „Animam meam pro te ponam: „putabat enim se posse, quod se velle semiebat. Magnam tamen charitatem habuit, quando passus est pro Christo terribiles sevasque passiones. Sarcina quippe illa Christi, quæ infirmitati gravis est, levis efficitur charitati. Talibus enim Dominus dixit, esse suam sarcinam levem, qualis Petrus fuit, quando passus est pro Christo; non qualis fuit, quando negavit Christum. Illam charitatem, id est, divino amore ardenterissimam voluntatem commendans Apostolus dicit: „Quis nos separabit à charitate Christi? tribulatio, an angustia, an persecutio.... an gladius?.... Certus sum, quia neque mors.... poterit nos separare à charitate Dei, &c. „Talis ergo charitas præbet vires efficacissimas voluntati, prout Augustinus paulò antè dixit.

Fortitudo itaque nostra à charitate est, infirmitas à cupiditate; & ideo infirmitas tanto minor, quanto major charitas: tanto major, quanto charitas minor; infirmitas maxima, ubi charitas nulla. Per consequens minuitur infirmitas, charitate crescente, quia minuitur cupiditas. Quia, ut rursus Augustinus I. qq. 83. q. 36. ait: Charitatis nutrimentum est immunitus cupiditatis; perfectio, nulla cupiditas.... Quisquis igitur eam nutrit, suamque proinde infirmitatem mi-

nuere, instet minuendis cupiditatibus.

§. V.

Hac vulnera angentur per peccata actualia.

De Ignorantia vulnera testatur divina Scriptura, dicens Prov. 4. *Via impiorum tenet, nesciunt ubi corrunt.* Ephel. 4. *Gentes ambulanti in vanitate sensu sui, tenebris obscuratum habentes intellectum, alienati à vita Dei, per ignorantiam qua est in illis, propter cecitatem (textus græcus habet obdurationem) qua est in illis.*

Id ipsum testatur experientia, peccata uti que luxuria & intemperantia cauſare mentis cæcitatem, sensuſque hebetudinem, pravissimam affectionibus rectum judicium perverti. Qualis est enim unusquisque, tale est & quod judicat. Unde fit ut erga proximum male affectus, ideoque durius cum ipso agens, hoc ipsum plerūmque non videat, quòdque peccata nostra tantam pariant incogitantiam, etiam in his que speculativæ scimus, ut ne in extrema quidem senectute, cum mors est in ianuis, de divino judicio, & horrenda aeternitate cogitemus, sed, quasi lethargici, somni simus.

Quòd etiam peccatis nostris, concupiscentia, malitia, infirmitas augentur, fatalis (pro dolor!) nimis experientia docet, præfertim in consuetudinariis, in quibus concupiscentia & malitia tanto magis roboratur & crescit, quanto magis illi satisfit, in tantum ut, consuetudine versa quodammodo in naturam, jam quasi necessitate trahantur in malum, qui in principio absque ulla necessitate illud commitebant. Quanto vero concupiscentia magis roboratur & crescit, tanto magis infirmitas crescit, uti constat ex dictis n. 274. & 275. Videri meretur Augustinus 8. Confess. 5. ubi id se expertum dicit: *Ex voluntate perverſa, facta est libido; & dure seruit libidini, facta est consuetudo; & dum consuetudini non resistitur, facta est necessitas.... quæ trahitur & tenetur etiam invitus animus, eo merito, quo in eam volens illabitur.* Ita etiam Bernardus I. de præc. & dispens. c. 18. & Hugo de S. Victore I. 1. de Sacram. p. 2. c. 23. Id ipsum fatentur etiam consuetudinarii in portu, tabaco, luxuria, &c. se utique violentia consuetudinis non posse resistere. Nec tamen propterea excusat, quia necessitas illa non est antecedens (qua sola est inimica libertatis, necessaria ad peccandum) sed consequens liberam voluntatem, que suā perverſitate, peccatorumque ad peccata additione, istam sibi necessitatem facit. Audi Bernardus serm. 82. in Cant. pulchre id explicantem, dum respondeat consuetudinariorum contendenti se non liberè peccare: *Dicit (inquit) aliquis mihi: Tu-ne voluntarium dixeris, quod jara necessarium sonſtai esse? Verum quidem est, quod voluntas seipſam addixerit (id est, captivam reddiderit) sed non ipſa ſe reuinet: ma-*

Aaaa

Tom. I.

gis retinetur & nolens. Cui objectioni sic responderet: Benè hoc saltem das, quia retinetur. Sed vigilanter retine, voluntatem esse, quam retineneri fateris. Itaque voluntatem volentem, dicas? Non uix voluntas retinetur non volens. Voluntas enim volentis est, non nolentis. Quod si volens retinetur, ipsa se retinet. Quid ergo dicet, aut quid respondebas ei, cum ipsa feceris? Quid fecit? Servam se fecit. Unde dicitur: „Qui facit peccatum, servus est peccati..... Sed non me (inquis) decredere facies necessitatem quam patior, quam in membris pro exterior, contra quam & affidit luxor. Ubinam quoque hanc necessitatem sentis? Nonne in voluntate? Non ergo parum firmiter vis, quod & necessario vis.... Porro ubi voluntas, ibi libertas, à necessitate naturali, licet non à necessitate, quæ nihil aliud est nisi obfirmata in malo voluntas. Ita anima miro & quodam malo modo, sub hac voluntaria quadam ac male libera necessitate, & ancilla teneatur, & libera; ancilla propter necessitatem, libera propter voluntatem.

280 Nec huic explicationi S. Bernardi contrarius est Augustinus loco citato, dicens, consuetudinarium quandoque invitum trahi ad peccandum. Quia si subtilius advertamus (inquit l. de spir. & lit. c. 31.) etiam quod invitum quis facere cogitur, si facit, voluntate facit; sed quia malit alius, ideo invitum, hoc est nolens, facere dicuntur. Quomodo volens & nolens? probans & improbans? Quia non ex toto improbat, sed partim approbat, parum improbat. Non enim ex toto vult (inquit 8. Confess. 9.) Non igitur monstrum, partim velle, partim nolle; sed agrido animi est. Quia non rous asurgit (contra peccatum) veritate sublevatus, consuetudine pragravatus. Et cap. 10. Ego eram (inquit de scipto ante conversionem) qui volebam; ego eram, qui nolebam. Ego ego eram, nec plenè nolebam, nec plenè volebam: idem mente contendebam, & dissipabar à meipso.

281 Maneat ergo indubitatum, peccatis actualibus augeri vulnera peccati originalis. Actuallia proinde peccata alia ex aliis profluere. Nec id mirum de mortalibus: cùm per ea peccator, amissâ gratiâ, & amiciâ Dei, subjiciatur potestati diaboli, suaque augeat ignorantias, concupiscentias, malitias, infirmitates, ut ostendimus. Ideoque S. Thomas dicit hominem in statu peccati mortalis diu esse non posse, quin in aliud adhuc mortale prolabatur.

282 Ipsa quoque venialia, aliorum peccatorum sœpè causas esse, constat ex dictis cap. 23. Fattendum nihilominus 1°. non omnia actualia, five mortalia, five venialia, æqualiter influere in alia. 2°. nullum esse quod alia aequè causet, ac peccatum superbie: utope per quod Deus specialiter impeditur, ne suam nobis contra peccatum gratiam largiatur. Deus enim superbis resistit, humilibus autem dat gratiam. Jacobi 4. Teste Augustino l. 3. de doctr. Christ. c. 23. nulla fere pagina est sanctorum librorum, qua hoc non sonet; innume-

risque id ipsum firmatur exemplis, ex antiquitate petitis, eorum utique, qui evanescentes in cogitationibus suis, in reprobum traditi sunt sensum, permissoque in gravissima ruere peccata, signanter in foecidum luxuria peccatum. Quod & Apostolus testatur Rom. 1. Et quod temporibus nostris audivimus, qui, per superbiam evanescentes, apostatarunt à religione & fide, ut liberius servirent foedæ concupiscentiæ carnis sue?

Nec sola superbia aperta, quâ supra alios 283

quis vult excellere, ad alia ducit peccata; sed & superbia illa spiritualis, quâ fit ut non sat agnoscamus, quantum adjutorio gratia Dei indigemus contra peccatum; ideoque non satis oremus pro eo obtinendo. Hoc suo experimento didicit certus quidam adolescens, nomine Pacco (apud R. P. Paulum Segneri, in suo Homine Christiano p. 3. discursu 2. n. 14.) qui, pœnitentiâ peccata sua expiaturus, Scetes desertum ingressus, post plures annos imbi transactos, tam atroci carnis tentatione impetus fuit, ut desperans sibi ipsi mortem inferre statuerit. Dicebat enim, satius esse viam finire, quam, eam prolongando, augere damnationem. Sicque ratâ & fixâ voluntate fauces cuiusdam caverna adit... ut ab egredientibus sub vesperum duabus hyanis, quas ibi latitare noverat, in frusta disperperetur. Et jam plane nudus aliquo tempore moium illarum operiebatur. Et ecce bestia illa, odore corporis humani, cuius sunt cupidissima, inescata, ingeni cum furore accurrunt. Sed vix attigerant hominem, statim mansueta ad ejus se provolvente pedes; illosque non secus ac duo catelli mollieri lingere incipiunt. Hoc prodigium Monachos tantos addidit animos, ut receperis indutus vestibus, quasi triumphandus magna cum latitio ad artrum suum redierit. At demon non abscesserat; sed, ut misero magis illudret, tantisper se subtraxerat. Quare magis quam unquam ante, primis eum temptationibus aggreditur... adeo ut Eremicola in pejorem quam unquam ante, desperationem adactus fuerit. Quare iterum foras egressus, certus velocissime vitam abrumperet, vider aspidem in arena latinem, quam mox arripi, pungi, & ad magis veneno nocendum irruit, magnoque animo nudo applicat pectori. Verum apis solita crudelitati non induxit; immo ne offendit quidem visa est. Quare dum ignorans, calo indignans, queritur, ecce fugientibus adeo prodigie acceleraret mortem, quarentibus vero adeo parcè eam negaret? vocem audit ab alto clamantem: Quid tibi miser imaginaris, à te viribus tuis posse temptationes superari? Deum roga, Deum precare, & quando, cognitâ vilitate tuâ, omnem in Deo spem collocaveris, tunc palmam reportabis. Quâ voce tanâ mens Monachii infrastructa fuit luce, ut ad debellandos demonis insulsi, non aliud magis expediens cognoverit medium, quam continuam orationem. Quâ ille quamprimum se munivit, divinaque gratia opem sibi necessariam agnoscens imploravit, deinceps nec toti Acheroni cessit. Superbia

Pars I. De peccatis in genere.

557

itaque spiritualis, quā quis in suis confidit vi-
ribus, causa est, propter quam Deus plerūm-
que vel dare differt, vel subtrahit gratias suas;
& ideo homo tentationi succumbat, in varia-
que ruat peccata (prout ille in peccatum des-
perationis) ut discat se sine Deo nihil posse.
Non mirum proinde, quod tam facile pro-
labamur, qui de superbia illa multum habe-
re solemus, tametsi ad id non advertamus;
verbisque profiteamur nos nihil posse sine Deo.
Videri potest Augustinus serm. 3. de verb. A-
post. ubi sic: *Pugnauimus vox est: Misericordia mei
Domine, quoniam infirmus sum... Et tu Domi-
ne usquequā? Quid est usquequā? quousque
probas, quia ego fravens?* Si enim cito subve-
nirem, laudem non sentires. Si laudem non
sentires, tamquam de tuis viribus superbices;
Et per istam superbiam nunquam ad victoriam
pervenires.

284. Præter superbiam illam spiritualem, quā
de nostris præsumimus viribus, in iis quæ
agenda sunt, nec satis agnoscamus indigen-
tiam nostram magnam divini auxilii, ne pec-
cemos; alia est valde noxia, quā interius nobis
complacemus, & velut gratulamur de bono
successu, perinde ac si laus præcipua nobis de-
beretur. De ea reflexione digna est August. fent-
tentia l. de nat. & grat. c. 28. *Deserit aliquanūm
Deus unde superbis, ut discas non tuum, sed ejus es-
se, & discas superbis non esse.* Et que superbia illa
satis frequens, etiam hominibus maximè spir-
ituibus, ipfisque adē timendam docet S. Bern.
ut putet causam esse languoris, & ariditatum ip-
sis contingentium; quas dum in se ipse experie-
batur, cogitabat vel istius superbiae peccatum
a se esse commissum, vel iis se à Deo affligi,
quod videt Deus in corde ipsius periculum
ne in illud laboretur, ut videre est serm. 54.
in Cant. & serm. 84. juxta finem.

S. VI.

*Utilitates in nobis provenientes ex consideratio-
ne dictorum vulnerum.*

285. **C**onsideratio namque ista apprimè utilis
est 1°. ad incitamentum humilitatis. Ne-
cesse quippe est ut homo sibi ipsi summoperē
vilescat, dum attentā mente perpendit, se in
omnibus animæ potentis adē esse corruptum,
depravatumque, ut quodammodo dici
possit, *in peccatis natus tuus*, pravisque con-
cupiscentiis adē mancipatus, ut nisi omni-
potentissimā gratiā suā Deus ipsum sublevet,
semper vincatur, juxta illud Innocentii I. Ne-
cessē est, ut quo adjuvante vincimus, eo non ad-
juvante vincamur.

286. 2°. ad dissidentiam de nobisipsis, fiduciam
que & spem totam ponendam in Deo solo,
meritisque Salvatoris. A quo enim alio, tor-
inter hostes, & tantas infirmitates suas, homo
sanitatem & salutem expectare potest, nisi ab
eo qui solus est Medicus, Sanator & Salvator
noster.

287. 3°. ad humilem, frequentem, & ferven-
Tom. I.

tem orationem, pro obtinenda à Deo miseri-
cordia & gratia, tot inter miserias, peccata,
& pericula. Quis enim pericula ista perpen-
dens, non clamet: *Dominus illuminatio mea,
& salus mea?* Quis in tantis tenebris consti-
tutus non oret: *Illumina tenebras meas. Il-
lumina oculos, ne unquam obdormiam in morte.*
*Notam fac mihi viam, in qua ambulem, ne
foris offendam ad lapidem pedem meum.* Et contra tam noxiām concupiscentiam triplicem:
Fac Domine; ut quod habitat in me peccatum
non dominetur mihi, ut obediam concupiscentiis
ejus. *Jube Domine,* ut post concupiscentias meas
non eam. *Da quod jubes, & jube quod vis.* Non
venias mihi pes superbie, extollentiam oculorum
meorum ne decleris mihi. Concupiscentiam quo-
que oculorum amore à me. Denique contra
infirmitatem: *Miserere mei, quoniam infir-
mus sum: lava me Domine, & sanabor: sal-
vum me fac, & salvus ero.* Et contra mali-
tiam: *Repleta est malis anima mea, indura-
tum est cor meum. Cor mundum crea in me
Deus, & spiritum rectum innova in visceribus
meis, &c.*

4°. ad salutem operandam in timore & 288
tremore, muniendumque se armis spirituali-
bus, contra tot domesticos hostes & extra-
neos. Quis enim non timeat, dum usque adē
periclitatur æternitas? Quis non contremiscat,
tot inter laqueos, dum Apostolum audit 1.
Cor. 10. clamantem: *Qui se existimat stare,
videat ne cedat;* dum terram quoque moni-
tionem audit Concilii Tridentini sess. 6. cap.
13. ut ipsi etiam justi cum timore & tremore
salutem suam operentur in laboribus, in vigi-
liis, in elemosynis, in orationibus & oblatio-
nibus, in jejuniis & castitate: formidare enim
debent (sciebtes quod in spem gloria, & non
dum in gloriam renai sunt) de pugna, que su-
perest cum carne, cum mundo, cum diabolo;
in qua victores esse non possunt, nisi cum Dei
gratia. *Apostolo obtemperent dicenti: Debitorum
sumus, non carni, ut secundum carnem vivamus.* Si enim secundum carnem vixeritis, mu-
riemini; si autem spiritu facta carnis mortifi-
caveritis, vivetis. Rom. 8. Et rursus Ephes.
6. *Induite vos armaturam Dei, ut possitis sta-
re adversus insidias diaboli...* Seate ergo suc-
cincti lumbos in veritate, & induit loricam ju-
stitia.... in omnibus sumentes scutum fidei, ut
possitis omnia tela nequissimi ignea extinguere:
& galeam saluis assumite (ut de solo Salva-
tore speretis salutem) & gladium spiritus, quod
est verbum Dei, per omnem orationem & ob-
secrationem orantes omni tempore in spiritu,
& in ipso vigilantes in omni instantia. *Scriptu-
rum est enim, videat periculum vestrum, vi-
gilate, & orate.*

5°. ad sedulò discutiendos actus & affectus 289
nostros, ut videamus quid nos ad agendum
impellat, concupiscentia, an charitas? oportet
enim nos sollicitè laborare ad comprimens
dos concupiscentiæ motus: utpote quæ sit
charitatis venenum, feminatrix zizaniorum,
Aaaa 2

corruptrix omnium actuum nostrorum.
 290 ^{6°} ad jugem exercitationem adversus tripli-
cipes concupiscentiae motus, nequando iis obe-
diamus. Cum enim illam penitus (in hac vi-
ta) interimere non valeamus, saltem mortifi-
care, ac velut crucifigere debemus, juxta
illud: *Qui sunt Christi, carnem suam cruci-
fixerunt, cum virtutis & concupiscentiis*, Galat.
 5. ut per jugem mortificationem jugiter mi-
nuatur in nobis, qua non potest totaliter ex-
tirpari; contraria vero ipsi charitas augentur:
 & sic expoliemus nos veterem hominem cum ali-
bus suis, Coloss. 3. *in novumque novum homi-
nem, qui secundum Deum creatus est*, Ephes.
 4. In utraque quippe exercitatione ita, vita
consistit christiana, duobus verbis Petro per
spiritum sanctum significata: *Occide, & man-
da ea*. Act. 10. Nec aliud a nobis Scriptura
exigit; *non enim praecepit nisi charitatem, nec
culpat nisi cupiditatem*.

§. VII.

*Varii modi, quibus diabolus nobis est causa
peccati.*

291 **T**Ametsi diabolus author quodammodo sit
omnis peccati, quatenus causa fuit primi
peccati protoparentis nostri, ex quo reliqua
hominum peccata trahunt originem; potest
tamen homo subinde peccare absque dæmo-
ne: cum per passiones & concupiscentias suas
ad peccatum sufficienter impellatur, absque
eo quod necesse sit diabolus iis se immiscere.
Quia tamen *diabolus, tamquam leo rugiens,*
continuo nos circum, quarens quem devoret;
merito dici potest causa omnis peccati, non
solum remora, modo dicto, sed & proxima,
quatenus merito supponitur uti passionibus &
concupiscentiis nostris, easque commovere,
ad tentandum nos.

292 Nec solum tentat nos per se, & per con-
cupiscentias passionesque nostras, sed & per
alios homines & creaturas, quibus velut in-
strumentum utitur ad nos ad malum attrahen-
dos, vel a bono retrahendos: quomodo per
Elymam Magum Act. 23. conatus est Sergium
Proconfulem avertere a fide. Et iste modus
adeo communis est, ut totus mundus plenus
sit diaboli laqueis, uti S. Antonius in spiritu
vidisse legitur.

293 Per se vero diabolus hominem variis mo-
dis tentat, ^{1°} transfigurando se in Angelum
lucis, vel in personam hominum ad peccatum
allientis, v. g. speciosæ mulieris, allientis
ad luxuriam.

294 ^{2°} sensibus externis objecta exhibendo
similiter excitantia ad peccatum: quomodo
Salvatori exhibuit omnia regna mundi, &
gloriam eorum, ut ad eorum cupiditatem,
ambitionemque ipsum excitaret. Quæ qui-
dem exhibitio aliquando est vera (quomodo
S. Antonio verum exhibuit aurum) aliquando
illusoria, seu fascinatoria, efficiendo ut
fentui externo adeste videatur objectum, quod

revera non adest. Quod profecto efficere po-
test, vel extra organum sensus operando, vel
intia. Quod non difficulter intelliges, si ad-
vertas quod quandocumque visu v. g. (el-
lae simili ratio de auditu, vel odoratu) percipi-
mas aliquid objectum, v. g. pomum, à
pomo lumen reverberatur ad oculum, quasi
imago vel species visibilis pomi, quæ nervo
visorio certum imprimet impulsum, quo ani-
ma excitatur ad visionem pomi. Quando er-
go diabolus efficit ut lumen eo modo ad ocu-
lum reflectatur, quo reflecteretur à pomo,
si adest, tunc primo modo illudit sensum
nostrum. Et sic, multorum opinione, diabo-
lus in momento apparere Christo fecit omnia
regna mundi. Quando vero diabolus nervo vis-
orio immediate talem imprimet impulsum,
qualem imprimet lumen sic reverberatum,
tunc visum illudit secundo modo. Alterutro
horum modorum diabolus apparere facit spe-
ctra, incendia, latratus canum, rugitus leo-
num, mugitus boum, &c.

^{3°} excitando tales in cerebro motus, at-
xusque spirituum, à quibus dependere scit
certas imaginationes, quas in anima nostra
vult suscitari. Quemadmodum enim sensatio-
nes externæ dependent à certis moribus, ex-
citatis in organis sensuum exterorum; sic ima-
ginationes ita dependent à certis motibus in
sensu communi, seu cerebro excitatis, ut,
iis in cerebro excitatis, velimus nolimus, con-
formis imaginatio sit conjungenda. Et iste est
modus, quo fiunt somnia, & quo phantasiam
Sanctorum diabolus nonnunquam implet ima-
ginationibus obscenis, blasphemis, terrifi-
cis, &c.

^{4°} suscitando inordinatas passiones: ut-
pote quæ similiter dependent à certa spirituum
humorumque commotione, per quam passio-
nes dæmon suscitare potest, quando Deus
permittit. Neque enim ipsi deest scientia mo-
tuum, isti vel illi passioni correspondentium;
neque potentia motus illos excitandi.

Ex his intelligi potest ^{1°} quâ ratione spi-
ritus malus exagitaverit Saïl, 1. Reg. 16. ^{2°} 2.
quâ ratione diabolus miserit in cor Judæ Il-
carioris, ut Dominum traderet, Joan. 16. ^{3°} 3.
quâ ratione libidinis ardentes passionem exci-
taverit in corpore Sanctorum Apostoli Pauli,
Hilarionis, Benedicti, &c. Non movet ta-
men diabolus immediatè voluntatem ad ma-
lum, sicut Deus movet ad bonum. Nec enim
voluntatem immediatè attingere potest, nec
ipsius consensum extorquere. Nam, ut pul-
cherrime Augustinus serm. 197. de tempore,
seu potius S. Cæsarius Arelatensis serm. 18.
*Venit Christus, & alligavit diabolum. Sed dicit
aliquis: si alligatus est, quare tantum adhuc
prævaleat? Verum est, quia multum prævaleat;*
*sed tepidis & negligenter, & Deum in veri-
tate non timentibus dominatur. Alligatus est
tamquam canis innexus catenis, & neminem po-
test mordere, nisi eum qui se illi mortiferâ se-
curitate conjinxerit. Jam videte quâ stolidus*

*est homo ille, quem canis in catena positus mor-
det? Tu te illi per volupates & cupiditates sa-
culi noli conjungere, & illi ad te non presumet
accedere. Laxare potest, sollicitare potest, mor-
dere omnino nisi volentem non potest. Non enim
cogendo, sed suadendo nocet, nec extorques à
nobis consensum, sed petit. Quod si justo sub-
inde iudicio Deus ipsi permittat, ut consen-
sum quasi moraliter extorqueat per tentatio-
nem fortissimam; non sic tamen ut consen-
tiamus simpliciter inviti, sed volentes, uti
de consuetudinarii dictum est.*

§. VIII.

*Absque execranda blasphemia Deus dici non po-
test auctor seu causa peccati.*

²⁹⁸ **E**vomuerunt quidem hanc blasphemiam Lutherus & Calvinus. Sed tam impia & execranda vita est ipsiusmet hereticis, ut à Luther & Calvino hac in parte recesserint peritiores lectatores ipsorum, qui, desuper interrogati, palam profiterunt se horribile dogma illud non sustinere, sed solum (cum Thomistis) quod Deus prædeterminet ad materiale peccati.

²⁹⁹ Impium enimvero dogma illud nimis aper-
te divinis contrarium est Scripturis, quibus Deus Psal. 144. *sanc tus prædicatur in omnibus viis suis*: quandoquidem iniquitas repugnat sanctitati, nec sanctitas esse possit causa iniquitatis. Psalmo etiam 5. dicitur, quod non Deus volens iniquitatem tu es. Jacob. 1. Deus intentator malorum est; ipse autem neminem tentat. Nunquam etiam legimus in Scripturis: Non est voluntas nisi à Deo (inquit Augustinus l. de Spir. & litt. c. 31.) Et recte non scriptum est, quia verum non est.

³⁰⁰ Si impius Calvinus objiciat scriptum esse 1°. quod Deus decreverit ut hoc fieret, quod si-
ne peccato fieri non potuit, v. g. ut Salvator crucifigeretur. 2°. Deum præcepisse Semei, ut malediceret David. 3°. Deum inducere corda hominum in malum; tradere homines in immunditiam; inducere & suscitare corda ho-
minum ad bella injusta, &c.

Ad 1. respondeo, Deum decrevisse ut Christus crucifigeretur, passivè, non activè: non enim decrevit Iudeorum actionem, quâ Salvatori passio illata fuit. Ita S. Leo ferm. 16. de passione, & S. Thomas 1. ad Annibald. dist. 48. a. 4. ad 3. ibi: *Deus, non volendo actionem Iudeorum malam, voluit bonam Pa-
ssionem Christi.* Passio quippe Christi duas ha-
buit causas, unam efficientem, qua mala fuit,
alteram suscipientem & patientem, & ita bona
fuit, juxta versum sequentem: *Actione dis-
plicuit, passio grata fuit.*

Ad 2. respondeo expressione illâ solum si-
gnificari, quod illa maledictio Semei conti-
gerit divinâ providentiâ, ordinante & disponente, ut per eam mansuetudo David proba-
retur & coronaretur.

Ad 3. respondeo cum S. Thoma q. 3. de

malo a. 1. quod Deus dicitur inducere, seu inclinare voluntates ad malum, non agendo & movendo, sed deferendo, vel non impediendo. Ita etiam S. Augustinus l. de nat. & grat. c. 23. l. 5. contra Jul. c. 3. Epist. 105. &c. Vel ad malum dicitur suscitare homines occasionaliter (ait S. Thomas lect. 3. super c. 9. ad Rom.) in quantum homini aliquid proponit, vel interius, vel exterius, quod, quantum est de se, est inducitivum ad bonum; sed homo propter suam malitiam perverse uititur ad malum. Quod pluribus ibi sacris testimonii exemplique ostendit, inductionem occasionalem exponens per instinctum aliquem, de se inclinantem homines ad bonum, quo illi abutuntur ad malum. Quem etiam sensum Augustinus sequitur in Plal. 104. ad illa verba: *Convertit cor eorum, ut odirent populum ejus: non utique cor illorum malum faciendo (inquit) sed populo suo bene faciendo.* Pro eo namque quod populum suum in Ægypto valde multiplicavit, & Pharaonem ad regni sui tutelam exticavit; istis beneficis Pharao, cum suis, abusus est ad invidendum & crudeliter affligendum populum Dei. Videri possunt ista fuisus declarata in tomo nostro de Deo distinct. 10. q. 2. à num. 124. ad 138. ubi & ostensum est, ad ea loca exponenda necessariam non esse physicam prædeterminationem ad mate-
riale peccati; eamque à S. Thoma non tradi, & à plerisque Thomistis, Alvelda, Aravio, Nazario, &c. rejici, probavimus ibidem q. 3. a. 1. Articulo vero 3. explicavimus, quomo-
dò via infallibilis ad actus malos, indepen-
denter à physica illa prædeterminatione, sit per divinam providentiam concessionis, seu permissionis, per quam divina providentia non præparat adminicula necessaria ad non defi-
cientum, nec impedit concursus & occur-
sus cauſarum, per quas voluntas procedit in actum peccati. Scit enim Deus quâm promptus sit dæmon ad tentandum, dum non im-
peditur, & quâm prona sit dispositio nostra ad malum, quæ etiam concauæ voluntatem sic dispositam ad malum impulsura sint; scit denique infirmitatem nostram esse tantam, ut tot inter tentationes infallibiliter defectura sit, si in talibus & talibus circumstantiis, con-
cauſarumque occurſibus & concursibus de-
relinquatur auxilio divino destituta. Dum ergo justo iudicio nos talibus in circumstantiis derelinquere statuit, scit peccatum nostrum infallibiliter secuturum. Et hoc modo trade-
re dicitur homines in reprobum sensum, in passiones ignominiae, &c.

C A P U T . X X I X.

Occasiones peccatorum proxime & remota.

³⁰¹ **Q**uâm necessaria sit Confessarii exacta no-
titia occasionum à pœnitentibus fugien-
darum, curaque magna ipsos ad id inducen-
di, satis constat ex eo quod S. Carolus Bor-

Aaaa 3